

SARS / Private Sector Authorised Economic Operator Stakeholder Group

Tshwane, 9 Phupu 2021 – Ditshebeletso tsa Lekgetho tsa Afrika Borwa (SARS) mmoho le Business Unity South Africa (BUSA) ba motlotlo ho tsebisa ka ho thehwa ha *SARS Private Sector Authorised Economic Operator (AEO) Stakeholder Group*.

Botsamaisi ba madiboho bo hloka botsitso bo hlokolosi ba pebofatsa ya tsa kgwebisano, pokello ya makgetho a nepahetseng ha ka yona nako eo ho ntse ho ntlafatswa boikobelo ba tefo ya lekgetho. Maikemisetso a mawala a borobedi a SARS a ananela hore SARS e ka se etse sena e le nnotshi le hore re hloka ho sebetsa mmoho le bakgathatema ho fihlella maikemisetso ana a rona. AEO ke moemedi wa bohlokwa ho fihella sena. Ditholwana tse ntle tsa sena ke maemo a tjhaelomonwana le botshepehi bo bang teng pakeng tsa mekga. Lenaneo la AEO le tla netefatsa hore re fihella tsepamo ena e hlokolosi ka tsela e nang le ditjeo tse tlaselase ntle le ho beha ka mosing pokello ya lekgetho le ho feta ha dithoto le ditshebeletso ho phatlalla le madiboho a rona.

Maikemisetso a mawala a SARS ke ho etsa hore ho be le mokgwatshebetso wa boikobelo ba tefo ya lekgetho ka boithaopi. Sena se etsa hore SARS ka mehla e dule e tshepetse ho balefalekgetho ba ikgethelang ho dula ba ikobela tefo ya lekgetho. Maikemisetso a rona a pele a mawala ke ho thusa ho hlakisa boitlamo ba bona, a bobedi ke ho ba thusa ho phethahatsa boitlamo bona ba bona mme a boraro, ao SARS e a etsang molemong wa balefalekgetho le bahwebi ba tshepahalang, ke bokgoni ba ho fokisa le ho arabela ho se ikobele tefo ya lekgetho. Sena se tshehetsa ponelole ya SARS e BOHLALE ya sekwalekwale ho akareditswe le tsa Bolaodi ba Meedi, eo botshepehi ba mokgwatshebetso wa yona bo sa belaelweng, mme bo hlomphuwa le ho tlotlwa ke bohle. Lenaneo lena la AEO le kgohlela hantle le maikemisetso ana a mawala a SARS mme SARS e mothating wa ho etsa hore lenaneo la yona la ntjhafatso le sebeletse maikemisetso ana a mawala le ho thusa hore ponelolepele ena ya yona e phethahale e le ka nnete. Bolaodi ba Meedi ba SARS bo ikemiseditse ho bebofatsa ho tsamaiswa ha dithoto le batho ho phatlalla le madiboho a rona ka tsela e arabelang maikemisetso a rona a mawala le ponelolepele.

SARS e kgakotse Lenaneo la yona la AEO ka Pudukwana 2020 mme ha jwale, ke dikhampani tse lekgolo le mashome a mararo a metso e supileng, tse nnetefaditsweng le ho tjhaelwa monwana jwalo ka bahwebi mme tsona di una molemo wa pebofatsa ya tsa kgwebo. Dilemong tse nne tse tlang, lenaneo lena le tla atoloswa ho akaretsa ba tsa lethathama la phephelo, lenaneo

le nolofaditsweng bakeng sa diSMME, Lenaneo le le leng la Mmuso la AEO mmoho le Lenaneo le le leng la SACU la AEO mmoho le melemo e ekeditsweng.

Ka ho hlokomela bolekane bona bo hlokolosi bo pakeng tsa SARS le bakgathatema, ho bohlokwa ho kganna tse mabapi le boqapi le kgolo ya ikonomi mme lenaneo la SARS la AEO le arabela tikoloho e tsamayang e fetofetoha kgafetsa ka ho phethahala, SARS le BUSA ba dumellane ho theha se bitswang ka hore ke *AEO Collaborative Stakeholder Group*. Moralo wa dilemo tse hlano wa mekga ka bobedi o tla qetella o bakile hore ho be le momahanyo ya lenaneo la lebatowa ka 2025.

Ho ya ka Khomishenara ya SARS, "Ketane e matla ho latela kgokanyo ka nngwe ya yona e fokolang. Ha SARS e tshepetse ho balekane ba yona, botshepehi ba lethathama la phephelo le tla ba matla ho latela bofokodi ba ba bang ba rona. Ho molemong wa rona ho nnetefatsa hore re sebetse mmoho ho sireletsa ditabatabelo tsa rona kaofela. Ebang ofe kapa ofe wa rona a shebana le ditabatabelo tsa hae feela ho feta tsa ba bang, re tla una tse nyane feela tsa nako e kgutshwane empa qetellong kaofela ha rona re tla lahlehelwa haholo". Khomishenara le Mohlanka ya ka Sehloohong wa BUSA ba dumellana hore, "Re tlameha hore bohle re sebetse ka ho itela mme re behe ditabatabelo tsa naha e le tsona tseo e leng ponelopele ya rona e kgoohadi - ho seng jwalo re tla kgeloha botsitsong ba ho bebofatsa tsa kgwebisano, tsamaisong ya botshepehi ba madiboho a rona le tse mabapi le ho se behe pokello ya lekgetho ka mosing".

Projeke ena ya AEO e ikemiseditse ho ithuta ho tswa diketsong tsa matjhaba ho tla ka tsela ya ntshetsopele e kopanetsweng, e motlotlo ya Afrika Borwa ha ho tluwa ho tsa ho ntshetsa pele kgwebisano le ho sireletsa mokotla wa rona wa naha le baahi ba yona".